

լսողք⁴ այսմ բանի, այլ որ հակառակի³ եւ կայ ընդդէմ այսմ⁴ թէ ի քահանայից եւ թէ յաշխարհականաց ի ներքոյ անիծից եւ կասկանաց լիցին հողւով եւ մարմնով, եւ որք հնազանդք եւ լսողք լինին բանիս եւ կամարարք նախնեաց սրբոց հարցն աւանդութեանց, օրհնին յԱստուծոյ եւ յամենայն սրբոց նորա եւ ի մէնջ:

Գրածեալ այսուհետեւ ի՛նչ որ կանոնական հասք եւ իրաւունք որ սրբոյն Սահակայ եւ այլ սուրբ հայրապետացն հաստատեալ է, մի պակասեցուցանէք այլ զուարթ սիրով եւ առատ սրտիւ զձեր վանքին սուրբ Նախավկայի թէ մատաղ, թէ պտուղ եւ թէ հոգեբաժին եւ այլ կանոնական ընծայք աննուազ եւ անթերի տուք ի դուռն սուրբ Նախավկային զի մեզ չէ սովորութիւն որ սուրբ հայրապետաց կոնդակով եւ վկայական գրով հաստատեալ թէմդ հանել⁴ վանքէտ: Վասն որոյ եւ դուք զձեր վանքին հաս եւ իրաւունքն անպակաս տուք:

Կատարողք հրամանաց մերոց օրհնիք յԱստուծոյ եւ յամենայն սրբոց նորա եւ ի մէնջ. ամէն: Հայր մեր որ յերկինս:

Գրեցաւ օրհնութեան թուղթս ի թուին Հայոց Ռ. եւ Չ. Նոյեմբեր ամսոյ ԺԱ. եւ նաւասարդի ԻԸ. ի փառս Յիսուսի Աստուծոյ մերոյ. ամէն: